



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Acta Synodalia Dioecesana Ecclesiae Mediolanensis, Pars Secunda

**Borromeo, Carlo**

**Brixiae, 1603**

Decretum. XVI.

**urn:nbn:de:hbz:466:1-11399**

Dioc. 2. dec. nis poenam Synodo dioecesana prima  
 18. §. si qui constitutam ipso facto subeat.  
 vero. pag.  
 319.

Decretum. XV.

Parochi er-  
 ga aegrotos  
 & morietos  
 officia.

PAROCHVS, cum ad aegrum  
 qui a parochiali Ecclesia longius abest,  
 grauius ac non sine periculo mortis fe-  
 bri morbove laborantem sanctissimum  
 Corpus Domini defert; ne vbi ad paro-  
 chiale domiciliũ ipse redierit, mortẽ  
 ille prius obeat, quam ad extremã vn-  
 ctionis Sacramentum eidem ministran-  
 dum reuerti possit, vasculum etiam sa-  
 crã illius vnctionis secum ferat, illam  
 ei, postquã Corpus Domini præbuerit,  
 ministraturus: si ita pro morbi ingraue-  
 scentis ratione, mortisque periculo fa-  
 ciendum censuerit.

Vbi Sacramenta aegro ministrant; dñi  
 ille sermonis & sensuum vsus non ami-  
 sit; eum breuibus, & suauibus, ardenti-  
 busq; verbis excitare ad desiderium vi-  
 tæ æternæ, & ad spem de diuina miseri-  
 cordia concipiendam, ne opportunẽ de-  
 sistat: tum cum propẽ moribundus est,  
 in illius animæ commendatione, quam  
 maxima potest intima animi pietate, sta-  
 tas religiosãs sanctasq; preces recitet.  
 Curetq; toto eo tempore, vt domestici  
 simul omnes qui adsunt, pro eo Deum  
 piẽ precentur.

Vbi hoc officium piẽ accurateq; præ-  
 stiterit, si aeger adhuc viuit, aut animam  
 agit; ne eidem præsens adesse, omniaq;  
 salutaria officia præstare omitat.

Si verò adesse aliquando non potest;  
 vel quia alijs grauius aegrotantibus Sa-  
 cramenta ministrare necesse habet; vel  
 quia necessarijs parochialis curæ occu-  
 pationibus alijs impeditur; tunc ea piet-  
 atis officia illi a Sacerdote (si quis alius  
 eo loco est) sollicitẽ præstari curet.

Ad quod etiam officium sibi hoc sub-  
 sidium cum opus est, comparet; vt soda-  
 litatis sanctissimi Sacramenti, aut do-  
 cetrinæ Christianæ homines aliquos, pa-  
 rochiali sua diligentia ad consolationis  
 & spei excitandæ officia, aliaq; eiusmo-  
 di instructos adhibeat.

Hoc etiam Parochus domesticos qui  
 aegroti curam habent, moneat, vt ne post  
 extremæ quidem vnctionis Sacramen-

tum, quod ipse ei ministrauerit, corpo-  
 ris curam deserant.

Singulis mensibus vnusquisque Vica-  
 rius foraneus a suæ regionis parochijs  
 perquirat, qui obierint; ijsq; animam  
 agentibus an illis præsentibus adfuerint;  
 an curæ & pietatis officia omnia eidem  
 moribundis præstiterint; tum vbi op-  
 portunẽ in mortuorum agnatos affines-  
 ve inciderit, parochialium Sacerdotum  
 debitum officium ab illis diligentius re-  
 cognoscat.

Quod si eos negligentiores esse ani-  
 maduerterit, vbi primũ illos vt par-  
 est reprehenderit, tum eorum negligenti-  
 am culpamve ad nos deferat.

Decretum. XVI.

QVÆ a Summis Pontificibus con-  
 stitutions, literæve decretales, ad Tri-  
 dentinorum, quæ de matrimonij impe-  
 dimentis sunt, decretorum declarationẽ  
 editæ sunt; eas cum a cæteris; tum a pa-  
 rochis præcipuẽ non ignorari oportet.  
 Cui rei vt occurramus, huic decretorũ  
 libro in fine illas typis impressas adiun-  
 gi censuimus.

Constitutio-  
 nes ad ma-  
 trim. spe-  
 ctantes pa-  
 rochi noue-  
 rint.

Decretum. XVII.

QVO studiosus populus curæ no-  
 stræ commissus in officijs Christianæ  
 pietatis instituat, ex diuinæque legis  
 præceptis institutum vitæ genus sequa-  
 tur; id Parochus præstet, vt aliquando  
 ineunte præsertim Quadragesima, pa-  
 tresfamilias qui in parochiali vicinia  
 parochialibusve finibus sunt omnes ad  
 Ecclesiam parochialem conuocet, ho-  
 ra quam commodam is censuerit.

Parochi offi-  
 cium erga pa-  
 tresfam.

Quo in patrumfamilias conuentu, tum  
 constitutionem nostram Concilio tertio  
 Prouinciali de patrumfamilias officio  
 familiarq; institutione editum de scri-  
 pto legat, singulasque eius partes expli-  
 cet: tum alia præterea doceat, quæ op-  
 portuna existinauerit, quibus illi se, fa-  
 miliamque suam in Christianæ vitæ di-  
 sciplina conforment.

Tit. de ijs q̄  
 ad matri. sa-  
 cra. pertln.  
 §. sicut vber-  
 rimum pag.  
 103.

Decretum. XVIII.

PRIMO Prouinciali Concilio ali-  
 qua de exorcistis constituimus, in qui-  
 bus ad illius muneris rectẽ gerendi ra-  
 tionem

Quedam de  
 exorcistis.  
 Tit. de exor-  
 cista. pag. 30